

# 中国近代教育史资料

上册

舒新城 编

人民教育出版社

本书可供高等师范院校教育史教学以及教育工作者研究教育理论时参考。现应教学及研究的急需,重印出版。

## 中国近代教育史资料

上册

舒新城 编

\*

人民教育出版社出版

新华书店北京发行所发行

北京新华印刷厂印刷

\*

开本 850×1168 1/32 印张 12.25 字数 287,000

1961年10月第1版

1981年3月第2版 1985年3月第9次印刷

印数 85,701—97,700

书号 7012·037 定价 2.75元

# 第一章 太平天国的教育

---

## 第一节 太平天国的教育目的

洪仁玕，资政新篇(节录)

太平天国九年(1859)

甚矣习俗之迷人，贤者不免，况愚者乎？即至愚之辈，亦有好胜之心，必不服人所教。且观今世之江山，竟是谁家之天下！无如我中花之人，忘其身之为花，甘居鞑妖之下，不务实学，专事浮文，良可慨矣！请试言之：文士之短简长篇，无非空言假话；下僚之禀帖面陈，俱是谄谀赞誉；商贾指东说西，皆为奸贪诡譎；农民勤俭诚朴，目为愚妇愚夫。诸如杂教九流，将无作有，凡属妖头鬼卒，喉舌模糊；到处尽成荆棘，无往不是陷坑。倘得真心实力，众志成城，何难亲见太平景象，而成为千古英雄，复见新天新地新世界也夫！

.....

夫所谓以风风之者，谓革之而民不愿，兴之而民不从，其事多属人心矇昧，习俗所蔽，难以急移者，不得已以风风之，自上化之也。如男子长指甲，女子喜缠脚，吉凶军宾琐屑仪文，养鸟、斗蟀、打鹌赛胜，戒箍手镯金玉粉饰之类，皆小人骄奢之习，诸如此类，难以

枚举。禁之不成广大之体，民亦未必凛遵；不禁又为败风之渐。惟在上者以为可耻之行，见则鄙之忽之，遇则怒之撻之，民自厌而去之，是不刑而自化，不禁而自弭矣。倘民有美举如医院、礼拜堂、学馆、四民院、四疾院等，上则亲临以隆其事，以奖其成，若无此举，则诏谕宣行，是厚风俗之法也。如毁谤谮妒等弊，皆由风俗未厚，见识未广，制法未精，是以人心虞拟，不平而鸣矣。又如演戏斗剧，庵寺和尼，凡此等弊，则立牧司教导官亲身教化之、怜悯之、义怒之，务去其心之惑以拯其迷也。中地素以骄奢之习为宝，或诗画美艳，金玉精奇，非一无可取，第是宝之下者也。夫所谓上宝者，以天父上帝、天兄基督、圣神爷之风三位一体为宝，一敬信间，声色不形，肃然有律，诚以此能格其邪心，宝其灵魂，化其愚蒙，宝其才德也。中宝者以有用之物为宝，如火船、火车、钟鏢、电火表、寒暑表、风雨表、日晷表、千里镜、量天尺、连环枪、天球、地球等物，皆有夺造化之巧，足以广闻见之精，此正正堂堂之技，非妇儿掩饰（饰）之文，永古可行者也。且夫谈世事足以闷人心，论九流足以惑众志，释聃尚虚无，尤为诞妄之甚；儒教贵执中，罔知人力之难，皆不如福音真道，有公义之罚，又有慈悲之赦，二者兼行，在于基督身上担当之也。此理足以开人之蒙蔽以慰其心，又足以广人之智慧以善其行。人能深受其中之益，则理明欲去而万事理矣，……

所谓以法法之者，其事大关世道人心，如纲常伦纪，教养大典，则宜立法以为准焉。是下有所趋，庶不陷于僻矣。然其不陷于僻而登于道者，必又教法兼行。如设书信馆以通各省郡县市镇公文；设新闻馆以收民心公议及各省郡县货价低昂、事势常变，上览之得以资治术，士览之得以识变通，商农览之得以通有无、昭法律、别善恶、励廉耻、表忠孝，皆借此以行其教也。教行则法著，法著则知恩，于以民相劝戒，才德日生，风俗日厚矣。此立法善而施法广，积时久而持法严，代有贤智以相维持，民自固结而不可解，天下永垂

而不朽矣。

(中国近代史资料丛刊:《太平天国》第二册,神州国光社 1952 年版,第 525—528 页)

## 钦定军次实录(节录)

太平天国十一年(1861)

### 谊谕读书士子

军行浙之淳安县,路见村居,多有读书之家,故作谕(谊)谕以开国文教方法云:读书不在多采佳句,惟在寻求书之气骨暗合于天情者,自有大学问出乎其中,岂必拘拘于八股六韵乃为读书乎?惟今之人不独此也,且多多教人怕鬼,以愚其心志,后遂不能脱鬼成人、成为大用者,概可叹也!切切此谕。

### 谕天下读书士子

盖自道德坏而为才智,才智变而为技艺。无知者谓为精而弥精,有识者谓为士风日下,舍本趋末。本军师于持笔为文时,司绳以格此心,甚以为不然。惟喜读古文纲鉴,每得有忠真节义之句,便念念不忘,究不解所谓文法也。惟自幼追随真圣主天王,于坐立言行,俨有箴规之训在侧,即寤寐饮食间亦惟天父上帝是祇而已。即今之意思层出,文墨异人,殆亦由立心取法之殊而来也。惟自不解,故备悉己意,以为天下有识士子猜摹,庶知教化之殊,将有一代之文蔚在斯乎!本军师所到之处,禁止焚屋焚书,意欲寻求经济之方策。无如所见多是吟花咏柳之句,六代故习,空言无补,与其读

之而令人拘文牵义，不如不读尤有善法焉。盖读书不在日摹书卷，惟在诚求上帝，默牖予衷，则仰观俯察之间，定有活泼天机来往胸中，非古篋中所有者。诚以书中所载之理，亦不外乎宇宙间所著现者，岂天地外复有所谓精理名言乎哉？本军师得此固纵之性，每多此等笔墨，以洗从前花柳陋习，识者鉴之。

## 论道德才智

慨自道德衰而才智逞，才智降而技艺兴，迄今专以八股六韵，徒事清谈，抛离实事，即不忠不孝之人，其作忠孝题亦甚节烈，虽能少发人良心，久亦视为故事耳，究何补于道德才智乎？然物极必反，有开辟之真主，必有开辟之良辅，以新一世之耳目，岂权荣造化大主宰一任其流而莫返乎？据此予信为天民之先觉者。

宣谕合朝内外官员书士人等一体知悉：照得文以纪实，浮文在所必删；言贵从心，巧言由来当禁。恭维天父天兄大开天恩，亲命我真圣主天王降凡作主，施行正道，存真去伪，一洗颓风。是以前蒙我真圣主降诏：凡前代一切文契书籍不合天情者概从删除，即《六经》等书，亦皆蒙御笔改正。非我真圣主不恤操劳，诚恐其诱惑人心，紊乱真道，故不得不亟于弃伪从真，去浮存实，使人人共知虚文之不足尚，而真理自在人心也。况现当开国之际，一应奏章文谕，尤属政治所关，更当朴实明晓，不得稍有激刺、挑唆、反间，故令人惊奇危惧之笔。且具本章不得用龙德龙颜及百灵承运社稷宗庙等妖魔字样。至祝寿浮词如鹤算龟年、岳降嵩生及三生有幸字样，尤属不伦，且涉妄诞。推原其故，盖由文墨之士，或少年气盛，喜骋雄谈；或新进恃才，欲夸学富，甚至舞文弄笔，一语也而抑扬其词，则低昂远判；一事也而参差其说，则曲直难分。倘或听之不聪，即

将贻误非浅，可见用浮文者不惟无益于事，而且有害于事也。本军师等近日登朝，荷蒙真圣主面降圣诏：首要认识天恩、主恩、东西王恩；次要实叙其事，从某年月日而来，从何地何人证据，一一叙明，语语确凿，不得一词娇艳，毋庸半字虚浮，但有虔恭之意，不须古典之言，故朕改字典为字义也。本军师等朝奏钦遵之下，不胜敬凛，为此特颁谕，仰合朝内外官员书士人等一体周知：嗣后本章禀奏以及文移书启，总须切实明透，使人一目了然，才合天情，才符真道。切不可仍蹈积习，从事虚浮，有负本军师等谆谆谕诫之至意焉。

（中国近代史资料丛刊：《太平天国》第二册，神州国光社 1952 年版，第 606—608、616—617 页）

## 第二节 太平天国的教育内容

### 幼 学 诗

太平天国二年(1852)

敬上帝

真神皇上帝 万国尽尊崇 世上多男女 朝朝夕拜同

其二

俯仰随观察 都沾上帝恩 当初才六日 万样造齐全

其三

有割与无割 谁非上帝生 天恩虔答谢 永远得光荣

敬耶稣

耶稣为太子 上帝遣当年 赎罪甘捐命 功劳认实先

其二

十字架难当 愁云暗大阳 天堂尊贵子 代尔世人亡

其三

甦后复升天 煌荣握万权 吾侪知倚靠 得救上高天

敬肉亲

积谷防饥日 养儿待老时 孝亲生孝子 报答十分奇

其二

且问己本身 何由得长成 天条遵第五 爵禄降天庭

朝廷

天朝严肃地 咫尺凛天威 生杀由天子 诸官莫得违

君道

一人首出正 万国定咸宁 王独操威柄 谗邪遁九渊

臣道

主正臣乃直 君明臣自良 伊周堪作式 秉正辅朝纲

家道

家庭亲骨肉 欢乐且融融 和气成团一 祯祥降九重

父道

栋正下无歪 端严道自裁 子心休使怨 满室遍和谐

母道

为母莫心偏 慈和教子贤 母仪堪媳学 福气达高天

子道

子道刑于妻 顺亲分本宜 妇言终莫听 骨肉自无离

媳道

嫁出为人媳 和柔道自图 莫同妯娌辈 嘈闹激翁姑

兄道

为兄教导弟 念切是同胞 弟有些须错 含容量且饶

弟道

长幼天排定 从兄道在恭 弟明天显则 福禄自来崇

姊道

姊当教弟妹 炼好转天堂 有故归宁日 团圆嘱短长

妹道

细妹遵兄姊 和情莫逞高 小心勤炼正 遵守十天条

夫道

夫道本于刚 爱妻要有方 河东狮子吼 切莫胆惊慌

妻道

妻道在三从 无违尔夫主 牝鸡若司晨 自求家道苦

嫂道

|       |       |       |       |
|-------|-------|-------|-------|
| 为嫂道何如 | 思量法最宜 | 欢心和叔婶 | 谁至有差池 |
| 婶道    |       |       |       |
| 婶敬嫂如何 | 谦卑重长哥 | 万般都让嫂 | 胜比瑟琴和 |
| 男道    |       |       |       |
| 人各有其偶 | 伦常在把持 | 乾刚严位外 | 道在避嫌疑 |
| 女道    |       |       |       |
| 女道总宜贞 | 男人近不应 | 幽闲端位内 | 从此兆祥祯 |
| 亲戚    |       |       |       |
| 亲戚宿姻缘 | 分排总在天 | 情长江上水 | 来往且连绵 |
| 心箴    |       |       |       |
| 一身谁管辖 | 上帝赋通灵 | 心正能真宰 | 官骸自顺承 |
| 目箴    |       |       |       |
| 群邪先诱目 | 目正自无牵 | 人子端凝立 | 身光耀九天 |
| 耳箴    |       |       |       |
| 任他喧万籁 | 我自静中听 | 莫把邪声入 | 聪虚分外灵 |
| 口箴    |       |       |       |
| 惟口起兵戎 | 多言自召凶 | 谎邪休玷秽 | 谨慎理为从 |
| 手箴    |       |       |       |
| 被牵将手断 | 节烈真堪诵 | 两手道惟恭 | 非礼戒勿动 |
| 足箴    |       |       |       |
| 两足行真道 | 遵循莫踏差 | 千条分岔路 | 总是害人侪 |
| 天堂    |       |       |       |
| 贵贱皆由己 | 为人当自强 | 天条遵十款 | 享福在天堂 |

### 幼学诗终

（中国近代史资料丛刊：《太平天国》第一册，神州国光社 1952 年版，第 231—235 页）

## 天朝田亩制度(节录)

太平天国三年(1853)

凡二十五家中设国库一,礼拜堂一,两司马居之。……

其二十五家中童子俱日至礼拜堂,两司马教读旧遗诏圣书、新遗诏圣书及真命诏旨书焉。凡礼拜日,伍长各率男妇至礼拜堂,分别男行女行,讲听道理,颂赞祭奠天父上主皇上帝焉。

(中国近代史资料丛刊:《太平天国》第一册,神州国光社1952年版,第322页)

## 三字经

太平天国三年(1853)

|     |     |     |     |     |     |
|-----|-----|-----|-----|-----|-----|
| 皇上帝 | 造天地 | 造山海 | 万物备 | 六日间 | 尽造成 |
| 人宰物 | 得光荣 | 七日拜 | 报天恩 | 普天下 | 把心虔 |
| 说当初 | 讲番国 | 敬上帝 | 以色列 | 十二子 | 徙麦西 |
| 帝眷顾 | 子孙齐 | 后狂出 | 鬼人心 | 忌兴旺 | 苦害侵 |
| 命养女 | 莫养男 | 烦役苦 | 实难堪 | 皇上帝 | 垂悯他 |
| 命摩西 | 还本家 | 命亚伦 | 迎摩西 | 同启奏 | 神迹施 |
| 狂硬心 | 不肯释 | 上帝怒 | 降蝻虱 | 降螳螂 | 及蟾蜍 |
| 匍进宫 | 逼人炉 | 不准放 | 海化血 | 饮苦水 | 麦西国 |
| 降疮疥 | 及瘟瘧 | 降重雹 | 最难当 | 终不放 | 杀长子 |
| 麦西狂 | 无法使 | 及释放 | 出麦西 | 皇上帝 | 甚扶持 |
| 日乘云 | 夜火柱 | 皇上帝 | 亲救苦 | 狂硬心 | 带兵追 |

|     |     |     |     |     |     |
|-----|-----|-----|-----|-----|-----|
| 上帝怒 | 发天威 | 到红海 | 水汪洋 | 以色列 | 实惊慌 |
| 追兵到 | 上帝栏 | 亲打战 | 兵无烦 | 令红海 | 水两开 |
| 立如墙 | 可往来 | 以色列 | 迈步行 | 如履旱 | 得全生 |
| 追兵过 | 车脱辐 | 水复合 | 尽淹复 | 皇上帝 | 大权能 |
| 以色列 | 尽保全 | 行至野 | 食无粮 | 皇上帝 | 谕莫慌 |
| 降甜露 | 人一升 | 甜如蜜 | 饱其民 | 民多欲 | 想食肉 |
| 鹑鸽降 | 千万斛 | 西奈山 | 显神迹 | 命摩西 | 造碑石 |
| 皇上帝 | 设天条 | 列十款 | 罪不饶 | 亲缮写 | 付摩西 |
| 天上法 | 无更移 | 传至后 | 暂不遵 | 中魔计 | 陷沉沦 |
| 皇上帝 | 悯世人 | 遣太子 | 降凡尘 | 曰耶稣 | 救世主 |
| 代赎罪 | 真受苦 | 十字架 | 钉其身 | 流宝血 | 救凡人 |
| 死三日 | 复番生 | 四十日 | 论天情 | 临升天 | 命门徒 |
| 传福音 | 宣诏书 | 信得救 | 得上天 | 不信者 | 定罪先 |
| 普天下 | 一上帝 | 大主宰 | 无有二 | 中国初 | 帝眷顾 |
| 同番国 | 共条路 | 盘古下 | 至三代 | 敬上帝 | 书册载 |
| 商有汤 | 周有文 | 敬上帝 | 最殷勤 | 汤盘铭 | 日日新 |
| 帝命汤 | 狂其身 | 文翼翼 | 昭事帝 | 人归心 | 三有二 |
| 至秦政 | 惑神仙 | 中魔计 | 二千年 | 汉武宣 | 皆效尤 |
| 狂悖甚 | 秦政徒 | 武临老 | 虽悔悟 | 少壮时 | 既错路 |
| 汉明愚 | 迎佛法 | 立寺观 | 大遭劫 | 至宋徽 | 犹猖狂 |
| 改上帝 | 称玉皇 | 皇上帝 | 乃上主 | 普天下 | 大天父 |
| 号尊崇 | 传久载 | 徽何人 | 敢乱改 | 宜宋徽 | 被金掳 |
| 同其子 | 漠北朽 | 自宋徽 | 到于今 | 七百年 | 陷溺深 |
| 讲上帝 | 人不识 | 阎罗妖 | 作怪极 | 皇上帝 | 海底量 |
| 魔害人 | 不成样 | 上帝怒 | 遣已子 | 命下凡 | 先读史 |
| 丁酉岁 | 接上天 | 天情事 | 指明先 | 皇上帝 | 亲教导 |
| 授诗章 | 赋真道 | 帝赐印 | 并赐剑 | 交权能 | 威难犯 |

|     |     |     |     |     |     |
|-----|-----|-----|-----|-----|-----|
| 命同兄 | 是耶稣 | 逐妖魔 | 神使扶 | 红眼睛 | 即阎罗 |
| 最作怪 | 此蛇魔 | 皇上帝 | 手段高 | 教其子 | 制服妖 |
| 战服他 | 不放宽 | 红眼睛 | 心胆寒 | 战胜妖 | 复还天 |
| 皇上帝 | 托大权 | 天母慈 | 最恩爱 | 娇贵极 | 不可赛 |
| 天嫂贤 | 最思量 | 时劝兄 | 且悠扬 | 皇上帝 | 爱世人 |
| 仍命子 | 降凡尘 | 送下凡 | 嘱莫慌 | 有我在 | 作主张 |
| 戊申岁 | 子烦愁 | 皇上帝 | 乃出头 | 率耶稣 | 同下凡 |
| 教其子 | 胜肩担 | 帝立子 | 存永远 | 散邪谋 | 威权显 |
| 审判世 | 分善恶 | 地狱苦 | 天堂乐 | 天做事 | 天担当 |
| 普天下 | 尽来王 | 小孩子 | 拜上帝 | 守天条 | 莫放肆 |
| 要炼正 | 莫歪心 | 皇上帝 | 时鉴临 | 要炼好 | 莫炼歪 |
| 自作孽 | 祸之阶 | 慎厥终 | 惟其始 | 差毫厘 | 失千里 |
| 谨其小 | 慎其微 | 皇上帝 | 不可欺 | 小孩子 | 醒精神 |
| 天上法 | 不饶情 | 善降祥 | 恶降殃 | 顺天存 | 逆天亡 |
| 皇上帝 | 乃神爷 | 万物件 | 依靠他 | 皇上帝 | 乃认父 |
| 虔服事 | 获祝嘏 | 顺肉亲 | 享遐龄 | 能报本 | 福本应 |
| 勿奸淫 | 勿污秽 | 勿说谎 | 勿杀害 | 勿偷窃 | 勿贪婪 |
| 皇上帝 | 法甚严 | 遵天诫 | 享天福 | 谢天恩 | 食天禄 |
| 天福善 | 祸淫人 | 小孩子 | 正其身 | 正是人 | 邪是鬼 |
| 小孩子 | 求不愧 | 帝爱正 | 最恶邪 | 小孩子 | 慎莫差 |
| 皇上帝 | 眼恢恢 | 欲享福 | 炼正来 |     |     |

（中国近代史资料丛刊：《太平天国》第一册，神州国光社 1952 年版，第 225—227 页）

# 御制千字诏

太平天国四年(1854)

|      |      |      |      |      |
|------|------|------|------|------|
| 维皇上帝 | 独一无二 | 当初显能 | 造天及地 | 万物齐全 |
| 生人在世 | 分光隔暗 | 昼夜轮递 | 日月蒞照 | 星辰协治 |
| 风偃四方 | 吹嘘猛厉 | 悠然作云 | 雨下空际 | 洪水退后 |
| 悲悯约誓 | 永不沈灭 | 虹为号记 | 诛妖戮鬼 | 雷轰电掣 |
| 霜寒雪白 | 霰集露零 | 雹重霞红 | 烟斜雾横 | 斗杓所竖 |
| 节序以更 | 乾旋坤转 | 夏热冬冷 | 铜关铁卡 | 汤池金城 |
| 江带山砺 | 海宴河清 | 岸高谷深 | 野广原平 | 峰尖嶽秀 |
| 波绉涛惊 | 麒麟狮象 | 凤凰鹿麋 | 虎豹熊罴 | 獬豸狴犴 |
| 猿猴麋麋 | 狻猊豺狼 | 狐狸狴犴 | 狰獬獬獬 | 驴骡骆驼 |
| 驢马牛养 | 犬豕猫鼠 | 雁鹄鹤鹑 | 雉鸡鸚鵡 | 翡翠鸳鸯 |
| 鸚鵡鸚鵡 | 鸚鵡鸚鵡 | 鸚鵡鸚鵡 | 鸚鵡鸚鵡 | 鸚鵡鸚鵡 |
| 鸚鵡鸚鵡 | 蚕蛾蝴蝶 | 蜂蜜螳螂 | 蜘蛛蜻蜓 | 蚯蚓蛄蜩 |
| 蟋蟀蜈蚣 | 鱼鳖龟蛇 | 鼋鼉蛟龙 | 鲢鳙鲤鲨 | 螃蟹蚌螺 |
| 蚬螯鲍虾 | 鳙鳊鲫鲚 | 虫蚁缘爬 | 鳞潜羽舞 | 壁蝇井蛙 |
| 动走跳跃 | 皮革爪牙 | 种植树艺 | 禾麦豆麻 | 薯芋菜蔬 |
| 苋蒜藟瓜 | 芸蓂萝卜 | 松柏梨楂 | 油盐糖醋 | 槟榔药茶 |
| 咸酸辣苦 | 浓淡香臭 | 凡间形色 | 总由圣父 | 耳目舌鼻 |
| 心肝肺腑 | 腹背胁腋 | 膏肓肠肚 | 颈肩头顶 | 面脸脚手 |
| 臀肾脾胃 | 胯臂肱股 | 仿佛亲象 | 赋畀昔古 | 诏谕教勅 |
| 条诚恪守 | 千祈莫奸 | 逆者斩首 | 十款昭彰 | 遵获祝嘏 |
| 西奈石牌 | 流垂曩时 | 赫奕威严 | 靡有易移 | 邪魔诡怪 |
| 魍魎魅魍 | 灵常惑诱 | 草屢缠迷 | 引陷狱火 | 害坏顽愚 |

|      |      |      |      |      |
|------|------|------|------|------|
| 屋漏怠教 | 罪孽盈余 | 义实难容 | 恩怎可施 | 动爷若曰 |
| 鉴兹氓蚩 | 奚悍违我 | 蠢弗之知 | 淫乱秽褻 | 硫磺烧尔 |
| 慎尽则瞋 | 怒极而怜 | 改祸锡祥 | 赦旧开新 | 爰差爰子 |
| 救彼寰尘 | 捐躯欣慰 | 代赎艰辛 | 母氏利亚 | 稔悉秘情 |
| 大兄耶稣 | 睿知慈仁 | 煌耀权势 | 担病勤殷 | 瘫起软企 |
| 哑说聒听 | 死甦瞥见 | 痲净跛伸 | 比喻宜道 | 牧看列民 |
| 男妇跟随 | 族类依瞻 | 擘饼给饱 | 另剩几篮 | 叱咤浪息 |
| 船憩湖潭 | 变化颜晃 | 庐筑巉巖 | 奉遣力援 | 饮杯是甘 |
| 骑坐群呼 | 童孩喧囔 | 预言钉架 | 复活于三 | 得银卖师 |
| 凶毒何堪 | 蛾党计谋 | 路撒妒谗 | 虽乃旨定 | 峨嵋贻惭 |
| 淋漓宝血 | 陪伴盗贼 | 黯兮惨愁 | 拈阉袍裂 | 吡咧疾声 |
| 胆汁蘸塞 | 伤哉仇敌 | 痛楚骨刻 | 戏弄狎侮 | 伊谁悽惻 |
| 主被奴欺 | 慷慨气绝 | 防墓孔迤 | 盖盘遽揭 | 贞女傍窥 |
| 使踞豕侧 | 谓报弟妹 | 欢忻喜悦 | 应验先往 | 确乎信德 |
| 次令门徒 | 福音诞敷 | 伪善必兴 | 甚綦糊涂 | 谨慎操执 |
| 勿溺慌诬 | 现与保罗 | 授传愈普 | 丁酉年岁 | 季春和舒 |
| 蒙接升堂 | 指示根株 | 命锄务本 | 芟剔歼除 | 继或些味 |
| 赐对部书 | 癸卯斯载 | 如晦才曙 | 互相印证 | 厯合玺符 |
| 迺始周游 | 唤醒英雄 | 跋涉险阻 | 前导南冯 | 忧乐胥共 |
| 安危俱同 | 甫届戊申 | 孰降苍穹 | 至尊真神 | 监临其中 |
| 清口托题 | 左辅杨东 | 九秋菊绽 | 基督乘荣 | 贵壻娇客 |
| 右弼精忠 | 击崇逐魅 | 膺宠加封 | 凭据踪迹 | 罕匹寡双 |
| 眷雇扶持 | 阴隲庇超 | 团营鏖战 | 仗剑挥刀 | 斧钺弓矢 |
| 旂旄旌旄 | 札隆钩戟 | 粉码砲包 | 铎角牌帽 | 甲冑戈矛 |
| 扼吭破竹 | 夺隘拔毛 | 步匝稳固 | 轻锐健豪 | 旗麾劲阵 |
| 远望窜跑 | 鼓擂通军 | 乍闻弃抛 | 沸腾萃崩 | 奔溃震骚 |
| 护卫密致 | 联络强坚 | 萱迴捷奏 | 氛倏消泯 | 益阳桥浮 |

|      |      |          |      |      |
|------|------|----------|------|------|
| 渡竟牵连 | 洞庭长驱 | 鲸鳌沫涎     | 皖省直进 | 将士扬鞭 |
| 與驻建康 | 统绪延绵 | 京都鍾阜     | 殿陛辉鲜 | 林苑芳菲 |
| 兰桂迭妍 | 宫禁焕灿 | 楼阁百层     | 廷阙琼瑶 | 钟磬鏘鏘 |
| 台凌霄汉 | 坛焚牲畜 | 荡涤洁修     | 斋戒沐浴 | 礼拜敬虔 |
| 赞美雍肃 | 悬吁居歆 | 自求弗禄     | 胡越贡朝 | 蛮夷率服 |
| 任多版图 | 总归隶属 | 库满珍珠     | 仓储菽粟 | 亿兆供球 |
| 臣僚辑睦 | 千字诏终 | 共壹千壹百零四字 | 戊午遵改 |      |

(中国近代史资料丛刊:《太平天国》第二册,神州国光社 1952 年版,第 409—411 页)

## 删改《四书》《五经》<sup>①</sup>

咸丰六年(1856)

始以《四书》《五经》为妖书,后经删改准阅,惟《周易》不用,他书涉鬼神丧祭者削去,《中庸·鬼神为德》章,《书·金縢》《礼·丧服》诸篇,《左传》“石言神降”俱删,《孟子》“则可以祀上帝”,“上帝”上加“皇”字,《诗》“荡荡上帝”,“上帝板板”,皆加“皇”字,《论语》“夫子”改“孔某”,“子曰”改“孔某曰”。删削字典音注,止留“音某”二字,及《说文》作某解数字,改“说文”为“其文”。又添删书衙,使春官丞相卢贤拔主其事,择能文书手佐之。

(中国近代史资料丛刊:《太平天国》第四册,神州国光社 1952 年版,第 719 页)

① 本篇摘自张汝南:《金陵省难纪略》,标题是编者加的。

### 第三节 太平天国的考试制度

#### 钦定士阶条例(节录)

太平天国十一年(1861)

钦命文衡正副总裁……奏为妄拟试士条例……小臣等为总阅、磨勘、阅文等职，司理京试，选举人材，午夜自思，实深抱歉。惟于本年十月二十一日，又蒙我真圣主操劳圣心，颁降圣诏，诏明每年正月由两司马、卒长、师、旅帅等开考，有两文学、两武学、族文学、族武学等名，其县试郡试等仍从旧制各等诏。钦此，钦遵之下，仰见真圣主求贤若渴，雅化作人之至意，尽美尽善，不必更有所求矣。惟思天命方新，四海渐归真道；舆图日广，万方定必观光。所有应试士子，必须习练诗书技艺，共识天情奥妙，非朝夕遂能贯通。每年于正月即行考试，士子等未免用功无期；即两、卒、师、旅等官，亦恐别误公事。且于省试京试，恐场期太迫，路远愆期，有负观光之志。兹小弟小臣等不揣冒昧，妄拟于每年二月由军帅考起，并拟省试京试俱三年一次，考约士移于七月秋凉之时，俾士子等得以宽期习练，庶可倍获真材，储为梁栋。并拟各士子以执照报名，由师帅详册，可免保结之例。是以大胆拟献条例一本，未知是否，恳恩圣阅，伏乞圣裁。如蒙旨准，并拟镌颁各省，自天父天兄天王太平天国甲子科举行，以为万方遵守，万年成规，永垂不朽。

#### 序

天国创万年之基业，应树万年之规模；得非常之贤才，乃克佐